



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXIII. De regimine Collegii Germanici, & Hungarici de Urbe.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



stitutionibus, & Ordinationibus Apostolicis, cæterisque contrariis quibuscumque.  
Datum Romæ apud S. Mariam Majorem sub Annulo Piscatoris die II. Maji MDCXCVI. Pontificatus Nostri Anno Quinto.

sentent hujusmodi supplicationibus inclinati, de Venerabilium Fratrum Nostrorum S. R. E. Cardinalium, & dilectorum filiorum Romanæ Curie Prælatorum super disciplina Regulari specialiter a Nobis deputatorum consilio, omnibus, & singulis Clericis prædictæ Congregationis, ut omnem, & quamcumque actionem in legitimam sibi quomodolibet, & ubicumque competentem nullo modo sibi retinere præsumant, sed eam ipsi Congregationi omnino remittant; itaut eadem Congregatio possit, & valeat de eadem legitima plene disponere, eamque exigere, aut super ea concordare; item ut omnes pecunias, proventus, census, & elemosynas, five ex lectionibus, five ex concionibus, aut pro Missis celebrandis, aliaque ipsorum justo labore, & causa, quocumque nomine acquisita, etiam si subsidia consanguineorum, aut piorum largitiones, legata, aut donationes fuerint in dicta arca communi reponant ad formam Constitutionum ejusdem Congregationis sub pœna privationis vocis activæ, & passivæ ipso facto incurrenda, nec nisi ab hac S. Sede, aut Præposito Generali ipsius Congregationis una cum suo Diffinitorio relaxanda, auctoritate Apostolica tenore præsentium præcipimus & mandamus; Laicos vero, & in minoribus tantum ordinibus constitutos Clericos Congregationis hujusmodi circa præmissa delinquentes pœna gravioris culpæ juxta dictas Constitutiones debita puniendos esse, eadem auctoritate harum serie decernimus, & declaramus.

Præceptum, ut Congregationi cedant legitimam actionem, & in Arca communi reponant bona, sub certis pœnis.

LXXII.

Præcipitur Clericis Sæcularibus Doctrinæ Christianæ in Gallia ut executioni mandent vitam communem.

*A Clem. VIII. præcepta sunt vita communis Const. ed. 1597. Dec. 23. ab Alex. VII. signati fuere tribus votis Const. ed. 1659. Sept. 26. Et ab hoc Pontifice Const. ed. 1697. Mar. 23. P. 6. abrogati fuere discreti.*

Dat. 18. Maji 1696. An. 5.

INNOCENTIUS PAPA XII.

*Ad perpetuam rei memoriam.*

Epilogus Constitutionum Clem. VIII. & Alex. VII. circa vitam communem.

**E**Xponi Nobis nuper fecit dilectus filius Josephus Bellissen. Presbyter, & Procurator Generalis Congregationis Clericorum Sæcularium Doctrinæ Christianæ in Gallia, quam licet feliciter per suas itidem in forma Brevis Literas die 26. Septembris 1659. emanatas statuerit, ut omnes, & singuli Clerici ejusdem Congregationis tria vota simplicia, Obedientiæ, Castitatis, & Paupertatis, necnon votum, seu Juramentum in ipsa Congregatione perpetuo perseverandi emitterent, nihilominus eorum nonnulli arcam communem prædictam jam defraudare incipiunt, sibi nempe actionem in legitimam suam portionem retinentes, aut alia bona ex concionibus, Missam elemosynis, aliove opere, & industria ipsis provenientia reservantes.

Abusus.

Causa Constitutionis.

§. 1. Cum autem, sicut eadem expositio subjungebat, id non solum in prædicta Congregationis, quæ bona communia semper habuit, & suos Clericos ad Sacros etiam Presbyteratus Ordines ad titulum ipsius Congregationis, seu bonorum communium vigore facultatis sibi desuper per dd. Alexandri Prædecessoris Literas concessæ promoveri curat, eosque ad studia suis sumptibus instituit, ac omnia necessaria illis tam bene valentibus, quam ægrotis subministrare teneatur detrimentum, sed etiam in morum relaxationem vergat; Nobis propterea dictus Josephus Procurator Generalis humiliter supplicari fecit, ut, quo paupertas in ipsa Congregatione juxta Sacros Canones, & Constitutiones Apostolicas illibata conservari, & bonus Ordo Communitatis ab omni proprietatis labe perpetuo defendi possit, in præmissis opportune providere, & ut infra indulgere de benignitate Apostolica dignaremur.

Preces Procuratoris Gen.

§. 2. Nos igitur dictæ Congregationis indemnitati quantum cum Domino possumus, consulere, omnemque in ea vitæ communis relaxationi viam præcludere, & ipsius Josephi Procuratoris Generalis votis hac in re favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore cen-

§. 3. Decernentes pariter easdem præsentem Literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit, in omnibus, & per omnia inviolabiliter observari: sicque in præmissis per quoscumque Judices Ordinarios, & Delegatos, etiam Casuarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Clausula.

§. 4. Non obstantibus Constitutionibus, & Ordinationibus Apostolicis, necnon quatenus opus sit, dictæ Congregationis, aliisque quibusvis, etiam Juramento, confirmatione Apostolica, vel quavis alia firmitate roboratis, Statutis, & consuetudinibus, privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides ubique locorum habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XVIII. Maji MDCXCVI. Pontificatus Nostri Anno Quinto.

Confirmatur, & reformatur Constitutio Alexand. VII. pro bono regimine Collegii Germanici, & Hungarici de Urbe.

LXXIII.

*Præd. Constitutio hic refertur, & edita fuit 1660. Dec. 18. P. 6. Et hujus Pontificis Const. ed. 1697. Sep. 7. P. 7. confirmantur quedam statuta pro Seminariis Angelopolitanis.*



INNOCENTIUS PAPA XII.

*Ad perpetuam rei memoriam.*

Exordium.

**I**N supremo militantis Ecclesie folio per ineffabilem Divinae Bonitatis abundantiam, nullo licet meritorum suffragio constituti, ea qua a Romanis Pontificibus praedecessoribus nostris profeliciter dirigendis Seminariis, & Collegiis quibuscumque ubique locorum, sed potissimum in Alma Urbe nostra verae Religionis arce ex qua bonorum operum exempla in omnes Christiani Orbis partes assidue diffunduntur, insititis sapienter, ac eo, qui secundum scientiam est, Dei zelo ordinata esse noscuntur, ut firma semper, atque illibata serventur, Apostolici muniminis nostri patrocinio libenter roboramus maturae considerationis trutinam perpensis, salubriter expedire in Domino arbitramur.

S. 1. Alias siquidem a fel. rec. Alexandro PP. VII. praedecessore nostro pro felici, rectaque Collegii Germanici, & Hungarici de Urbe, illiusque rerum, & bonorum administratione emanarunt Literae in simili forma Brevis tenoris, qui sequitur videlicet: *ALEXANDER PP. VII. Ad perpetuam rei memoriam.* Ut Collegii Germanici, atque Hungarici de Urbe negotia maturiori consilio decernantur, ac expediantur, & Ven. Fratres nostri S. R. E. Cardinales dicti Collegii apud nos, & Sedem Apostolicam Protectores, quibus ejusdem directioni praesse incumbit, ea omnia, quae ad hujusmodi munus pertinent, conjunctim, ac certo quodam ordine, & methodo valeant expedire, indeque frequentius ad nostram, & pro tempore existentium Romanorum Pontificum successorum nostrorum ea, quae digniora emergerint, notitiam deducantur, pro commissa Nobis divinitus Pastoralis officii cura providere volentes, necnon quarumvis Literarum Apostolicarum, etiam in simili forma Brevis super memoratorum Cardinalium Protectorum deputatione, & facultatum illis, seu uni eorum respective concessarum impartitione, cedularumque motus proprii super praemissis, aut alias quomodolibet, & quando-cumque emanatarum tenores, & Datas, etiam veriores, & alia quaecumque, etiam specialem, & individuum expressionem requirentia praesentibus pro plene, & sufficienter expressis, & insertis habentes, motu proprio, ac ex certa scientia, & matura deliberatione nostris deque Apostolicae potestatis plenitudine, tenore praesentium praecipimus, & mandamus, ut in posterum praedicti Protectores propius, & magis praecise, quam haecenus factum fuerit, utantur facultatibus, ac jurisdictione ipsis concessis super regimine, & directione tam spirituali, quam temporali ejusdem Collegii, eaque de causa statutis diebus, ac quoties opus fuerit, simul congregentur in Aula Congregationis Ven. pariter Fratrum nostrorum ejusdem S. R. E. Cardinalium negotiis Propagandae Fidei praepositorum ad agendum de rebus ad praedictum Collegium, & ipsius Alumnos spectantibus cum interventu dilecti filii moderni & pro tempore existentis Secretarii ejusdem Congregationis de Propaganda Fide, per quem ea omnia, quae decreta fuerint, de more expediantur, adeo ut Decreta omnia, aut mandata, quae aliter, quam ad praescriptam formam fieri deinceps, aut emanaverint, nullius prorsus roboris, aut momenti existant. Per eundem vero Secretarium inter acta praedictae Congregationis de Propaganda Fide inferantur, atque afferantur, & si quid dignum existimatum fuerit, ad Nos, & pro tempore existentem Romanum Pontificem deferatur, sicuti de negotiis gravioribus memorata Congregationis fieri consuevit. Decernentes easdem praesentes Literas, & in eis contenta quaecumque, etiam ex eo, quod praedicti, & alii quilibet cujuscumque status, gradus, ordinis, praeminentiae, & dignitatis, etiam specifica, & expressa mentione dignae existant in praemissis, forsitan interesse quoquo modo habentes, seu habere praetendentes illis non consentiant, aut ad ea vocati, & auditi non fuerint, seu cause propter quas praesentes emanarunt, adductae, aut justificatae, & verificatae non fuerint, vel ex alia quacumque quantumvis iusta, juridica, & privilegiata causa, colore, praetextu, & capite, etiam in corpore Juris clauso, nullo unquam tempore de subreptionis, vel obreptionis, aut nullitatis vitio, seu intentionis nostrae, aut interesse habentium consensus, aliove quomodolibet, etiam incogitato, & inexcogitabili defectu notari, impugnari, infringi, retractari, in controversiam revocari, aut ad terminos juris reduci, seu adversus illas a peritiois oris, restitutionis in integrum, aliudve quodcumque juris, facti, vel gratiae remedium impetrari, aut impetrato, vel etiam motu, scientia, & potestatis plenitudine paribus concessio, quempiam in Judicio, vel extra illud uti, seu se juvare posse, sed ipsas praesentes Literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis, ad quos spectabit inviolabiliter, & inconcussae observari; Sicque, & non aliter in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, ac S. R. E. praedictae Cardinales, etiam de Latere Legatos, & alios quomodolibet quavis auctoritate, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus praemissis, ac quatenus opus sit, Nostra, & Cancellariae Apostolicae Regula de Jure quaesito non tollendo, aliisque Constitutionibus, & Ordinationibus Apostolicis, & Decretis quibuscumque tam circa facultatem dumtaxat ex praedictis Protectoribus concessam, quam circa alia quaecumque, quae praesentibus Literis, earumque observantiae quoquo modo adferentur, emanatis, necnon supradicti Collegii erectione, ac etiam juramento, confirmatione Apostolica, vel quavis firmitate alia roboratis, statutis, & consuetudinibus etiam immemorabilibus, privilegiis quoque Indultis, & literis Apostolicis sub quibuscumque verborum tenoribus, & formis, & cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis Decretis, in genere, vel in specie, ac alias in contrarium praemissorum quomodolibet concessis, confirmatis, & innovatis, Quibus omnibus, & singulis, etiam pro illorum sufficienti derogatione de illis eorumque totis tenoribus specialis, specifica, expressa, & individua, ac de verbo ad verbum nihil penitus omissis, & forma in illis tradita observata exprimerentur, & infererentur praesentibus pro plene, & sufficienter expressis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque. Volumus autem, ut earumdem praesentium transumptis, manu Secretarii dictae Congregationis, seu alicujus Notarii publici subscriptis, & sigillo ejusdem Congregationis, seu alicujus personae in Ecclesiastica dignitate constitutae munitis, eadem prorsus fides in iudicio, & extra illud ubique adhibeatur, quae ipsis praesentibus adhiberetur, si forent exhibitae, vel ostensa. Datum Romae apud Sanctam Mariam Majorem sub Annulo Piscatoris die 18. Decemb. 1660. Pontificatus nostri Anno Sexto.

Ab Alex. VII. ob quaedam rationes determinata fuere locus, & forma Congregationum Cardd. Protectorum.



1696.  
Causa Confirmationis re late Constitutionis.

Confirmatio præd. motu proprio facta.

Item reformatio quoad locum Congregationis.

Clausula.

LXXIV.

§. 2. Cum autem, sicut accepimus, licet præmissa a memorato Alexandro prædecessore provido, prudentique fuerint constituta consilio, illa nihilominus minime observentur. Hinc est, quod Nos prædicti Collegii indemnitati, prosperoque illius tam spiritali, quam temporali regimini, quantum Nobis ex alto conceditur, providere cupientes. Motu proprio, ac ex certa scientia, & matura deliberatione, nostris, deque Apostolicæ potestatis plenitudine, præsertim Alexandri prædecessoris literas cum omnibus, & singulis in eis contentis, tenore præsentium perpetuo approbamus, & confirmamus, ac innovamus, illisque inviolabilis, & irrefragabilis Apostolicæ firmitatis vim, robur, & efficaciam adjungimus, ipsasque Alexandri prædecessoris literas, & in eis contenta hujusmodi perpetuis futuris temporibus inviolabiliter, & inconcussè observari præcipimus, & mandamus. Ita tamen, ut in posterum memorati Cardinales dicti Collegii Protectores pro negotiis ejusdem Collegii pertractandis non amplius in Aula Congregationis secundo dictorum Cardinalium, juxta eandem Alexandri prædecessoris literarum præscriptum, sed in ipso Collegio commodius, ac expeditius, occurrentibus illius necessitatibus consulere valeant cum interventu memorati Secretarii dictæ Congregationis, & servata in reliquis omnibus prædictarum Alexandri prædecessoris literarum forma, & dispositione congregari debeant.

§. 3. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus fortiri, & obrinere, ac ab illis ad quos spectat, & pro tempore quandocumque spectabit inviolabiliter observari, & adimpleri, nec de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet quantumvis formali, & individuum expressionem requirente defectu notari, impugnari, infringi, redargui, in controversiam vocari, seu ad terminos juris reduci, aut adversus illas restitutionis in integrum, apertionis oris, aliudve quodcumque juris, facti, vel gratiæ remedium impetrari, vel intentari, seu impetrato, aut etiam motu, scientia, & potestatis plenitudine similibus concessio, vel emanato quempiam in Judicio, vel extra illud uti, seu se juvare ullo modo unquam posse: Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac Cardinales, & Legatos, necnon Nuntios, & alios præscriptos nunc, & pro tempore existentes, sublata pariter eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac quatenus opus sit, nostra, & Cancellariæ Apostolicæ Regula de jure quæsito non tollendo, aliisque Constitutionibus, & Ordinationibus Apostolicis, necnon omnibus, & singulis illis, quæ in præsertim Alexandri prædecessoris literis concessa sunt non obstare, cæterisque contrariis quibuscunque.

Datum Romæ apud S. Mariam Majorem sub Annulo Piscatoris die 7. Junii 1696. Pontif. nostri Anno Quinto.

Confirmantur tria Decreta Clericorum Theatorum pro electione Vocalium ad Capitulum Generale.

De numero Vocalium pro Capitulis Gen. vide Alexan. VII. Const. ed. 1661. Jan. 10. P. 6.

INNOCENTIUS PAPA XII.

Ad perpetuam rei memoriam.

Inscrutabili Divinæ providentiæ arcano ad Pastoralis dignitatis fastigium meritis licet imparibus, evecti, illa, quæ pro felici, prosperoque Religiosarum Congregationum in Ecclesia Dei pie, sancteque institutarum, ac uberes bonorum operum fructus, adspirante superni favoris auxilio, proferre jugiter fatigentium regimine, & gubernio provide, prudenterque disposita, atque ordinata esse noscuntur, ut firma semper, atque illibata persistant, Apostolici muniminis præsidio, cum id a nobis petitur libenter constabilimus.

§. 1. Nuper siquidem pro parte dilectorum filiorum Præpositi Generalis, & quatuor Consultorum Congregationis Clericorum Regularium Theatorum nuncupatorum Nobis expositum fuit, quod cum alias, videlicet anno 1683. in Capitulo Generali dictæ Congregationis tunc celebrato, inter alia editum fuisset Decretum tenoris, qui sequitur videlicet: Ut observantiæ Regularis incommodis caveatur, nullo pacto accedere possint ad Capitulum Generale Præpositi per Vocalium suæ Domus cessionem, sed ii tantummodo Jus accedendi habeant, quibus consueto fortis tempore fors contigerit; Quod si aliqua ex causa, quæcumque illa fuerit, nulla excepta, electio vocalis non fiat, & extractus fuerit calculus Vocalis, tunc neque Vocalis, neque Præpositus ad Capitulum Generale accedat; Decretum vero hujusmodi cum executioni nondum demandatum fuisset, eo quia formæ electionis Vocalium Capituli Generalis Congregationis hujusmodi anno 1668. præscriptæ, ac a felic. rec. Clemente PP. IX. Prædecessore nostro per quasdam suas in simili forma Brevis literas approbatæ adverbatur, nec ullo Apostolicæ confirmationis patrocinio roboratum reperiebatur, Diffinitorium Generale novissimi Capituli Generalis ejusdem Congregationis agnita necessitate in dies majori dictum Decretum executioni demandandi ad tollendas perturbaciones quæ in Gubernio Superiorum localium cessionem votorum sibi a Vocalibus procurantium oriri solent, mandavit, ut pro illius confirmatione obtinenda Nobis supplicaretur. Cum autem, sicut eadem expositio subjungebat, Exponentes præfati, ultra supradictum etiam alia duo Decreta ad diminuenda incommoda, quæ Domibus Regularibus memoratæ Congregationis, & illarum Vocalibus eveniunt, æque necessaria addenda esse censeant, unum quidem totam ipsam Congregationem, alterum vero Domos Regulares S. Silvestri in Monte Quirinali, & S. Andreae de Valle nuncupat. de Urbe dictæ Congregationis respicientia. Primum scilicet, quod in posterum in singulis Domibus Italiæ, & Insularum adjacentium die 2. Novembris, in reliquis vero Domibus totius Congregationis hujusmodi die prima Julii mensium Capitulum Generale dictæ Congregationis respective præcedentium electio Vocalis non amplius juxta formam, sicut præmittitur præscriptam, ac a memorato Clemente Prædecessore approbatam fiat, sed duo calculi, unus albus significans Præpositum, alter niger Vocalem significans in unam mittantur, quod si forte calculus niger extractus fuerit, eo casu subinde, nempe die 2. Mensis Januarii sequentis in Domibus Italiæ, & Insularum adjacentium, die vero prima sequentis Mensis Septembris in reliquis Domibus prædictis ad electionem Vocalis more solito deveniatur. Si vero calculus albus significans Præpositum extractus fuerit, eo casu nulla alia electio fiat. Cæterum quo in forte hujusmodi totum

Exordium.

Decretum 1. an. 1683. de vocalibus domorum pro Capitulo Gener. executioni non mandatum.

Decretum 2. de forma electionis Vocalium sine dolo peragende sub excommunicationis poena.